

# Charly's Bar a bini di patras pa gana Real Burger King

ORANJESTAD (AAN)— Dialuna anochi riba cancha di futbol di sala na Centro di Bario Savaneta, e equipo di Charly's Bar a bini di patras pa gana e partido cu un score preta di 6-5.

Half e wegá tabata na fabor di Real Burger King cu anotacion di 2-1.

Den e promer mitar ambos equipo tabata haci nan paso cortico y tabata tin bon dominio ariba bala.

Tanto Benito Loefstop, Silvio Croes y Eric Hereira nan a percura pa anota cada dos gol pa nan equipo Charly's Bar.

Pa Real Burger King a anota Ivan Cuesta dos, Gregory Engelbrecht dos y Ludwin Dabian uno.

E promer wegá di e anochi, Barak Boys a gana Centro di Bario Savaneta esta Seven Up cu score di 10-5.

Half e wegá tabata 4-2 na fabor di e muchanan di Barak Boys.

Golnan anota pa Barak Boys tabata Marco Berlis cuatro, Giovanni Vrolijk y Oslin Ismael cada a anota dos gol, Cesar Trimon un gol y tabata tin un auto gol.

Pa e muchanan di Centro di Bario Savaneta a anota Roos tres gol y John Pietersz dos.

E di tercer wegá no a sigui, pa motibo cu e muchanan di Conar no a presenta pa enfrenta Fermin's.

Fermin's a gana pa default, pero tabata di comprende cu e equipo di Conar cu for di principio lo no presenta ya cu na a worde degrada pa division



dos dia cu nan a perde contra Mathlahot.

Awe nochí e wegá na ta continua riba cancha di club Estrella na Sta. Cruz, caminda cu pa 7.or Marlboro lo enfrenta Wema

den poul C tercer division pa 8.or Food City contra Bubali Mi Chalila tambe den teercer division poul C, y pa 9.or Ajax lo en frenta Arends Construc tion den segundo division.

## Resultado Copa Meel Peña

ORANJESTAD (AAN)— Diadomingo ultimo a tuma lugar ariba tereno di Universal e wegá na di futbol Copa Meel Peña.

Despues di apertura cu saque di bala door di Meel Peña, e prome wegá a tuma lugar.

Esy Snack a gana Kibrahacha pa penalty 4-3 despues cu wegá a termina empata na 0 gol.

Quadarikiri a perde cu


San Luis Liguortique 1-0. Boblook Stars a perde cu Albo 2-1.

Amstel a gana Esy Snack pa penalty 3-2, despues cu wegá a termina empata na un gol.

Real Corsow a gana Kuk wisa 1-0.

San Luis Liguortique a gana Zeerovers 1-0.

Diadomingo awor e wegá na ta sigui.



Arubiano Hugo Themen campeon di Hulanda pa 7 año consecutivo den hisamento di peso. Hugo tabata campeon di Aruba y di Antillas den añanan 76, 77, 78. Den edicion di mayan DIARIO lo trece un reportaje di e campeon.



## Deporte

### Directiva di Volvox

ORANJESTAD (AAN)— Recientemente den un reunion anual S.V. Volvox a eligi un directiva nobo.

E puestonan a worde reparti den e siguiente forma Presidente, Alberto Peña Vice Presidente Junior Irausquin, secretaria Shirley Willems, segundo secretario Guillermo Figaroa.

Tesorero Dominico Figaroa, segundo tesorerero Albertico Kootes, Comisa-

rio Anthony Trimon.

Mester menciona cu un biaha mas, den un forma democraticamente Alber-

to Peña a worde eligi como President di Volvox.

Durante e reunion aki a ser eligi como madrina di e club Raquel Figaroa.

P.R. a keda Ruben Krozendijk.

Directiva ta pidi su miembronan pa keda pendiente pa e Gran Celebracion di nan 9 año.

### Presonan lo bay renova Stadion?

ORANJESTAD (AAN)— DIARIO a ser informa cu tur cos ta muestra cu e año aki stadion Wilhelmína lo haya un cara nobo, debi cu e cara actual ta hopi mahos y tristo.

Parce cu Ministro di Deporte y alavez di Justicia Mr. Watty Vos lo bay duna permiso na presonan cu ta desea di traha pa nan renova stadion.

E presonan lo no traha

por nada, sino nan lo haya un paar di florin pa dia, esta prijs di preso segun informe cu DIARIO ta dispone di dje.

No ta conoci ki clase di trabao lo ser haci y tampoco cual departamento di Gobierno lo supervisa e trabao aki.

Si ta asina ta di aplaudi y di aprecia cu Ministro di Deporte ta mira e nesecidad pa laga drecha stadion.

### Careda na pia na Palm Beach

ORANJESTAD (AAN)— E organisacion di atletiek bond Aruba, ta participa

cu Diadomingo awor dia 13 di Maart, nan lo tene nan careda di pia cual lo start riba beach na haltura di Concorde Hotel.

Lo core den direccion di Malmok esta mitar caminda y bira bek.

E grupo lo worde parti den dos categoria e pro-

mer bao di 12 año lo core un distancia di 2000 me-

ter y despues esnan ariba di 12 año lo core 4000 meter.

Inscripcion por ser haci desde 8.30 na e sitio.

Na final tur coreador cu a participa na e careda ta

ricibi un diplo cu nan nomber riba dje y tambe e tempo cu a worde cori.

### TA HUUR

\*\*\*\*\*

Espacio pa Oficina/Showroom  
1) Schelpstraat 58 160m2 Afl.2500,00  
2) Emanstraat 4 125m2 Afl.1000,00

Cada espacio tin su propio toilet y aircó unit.

ESPACIO PA WAREHOUSE  
1) Italiestraat 13 300m2 Afl.1250,00  
E espacio aki tin su propio toilet.

Pa mas informacion yama libremente na:

PROPIEDADES  
HABIBE N.V.

Schelpstraat 58-A  
Tel: 25523 of 32789.



## AVB lo tin dos representante na congreso di Concacaf

ORANJESTAD (AAN) — Dia 7 di April lo tuma lugar na Guatemala e congreso di Concacaf.

Arubaanse Voetbal Bond lo delega dos representante na e congreso aki.

Sr. Frans Figaroa, Presidente lo asisti na e congre-

so hunto cu un otro miembro di directiva cu su nomber no ta conoci.

Aruba mester ta na e congreso aki y como tal mester di mas cu un representante debi cu tin hopi cos pa atende y trata.

## Teamnan por haci transferencia te un siman prome cu campeonato

ORANJESTAD (AAN) — Tin hopi transferencia di hungador di futbol ta tumando lugar caba, pero A.V.B. a pone un "dead-

line" pa cu e transferencianan.

Campeonato lo inicia dia 17 di April, y como tal AVB a stipula cu e ultimo dia pa transferencia lo ta 10 di April.

Motivo cu AVB a pone un fecha pa e ultimo dia di transferencia ta, cu ultimo añanan e teamnan ta haci transferencia ariba e ultimo dia di apertura di e campeonato y esey ta trece hopi trabao pa directiva di AVB.

Asina ta tur team cu tin cu haci transferencia na mester haci te dia 10 di April.

## Weganan di futbol di sala pa mañan

ORANJESTAD(AAN)—Mirando cu ayera un eror a worde descubri den e relato di futbol di sala den e pagina di deporte, nos disculpa pa esaki y ta spera cu e equiponan cu a keda confundí den e eror aki nos mas disculpa.


E weganan pa awe nochí ta keda como losiguiente.

Pa 7.or di anochi San Luis Liguortique lo enfrenta Wema Stars, pa 8.or

Food City y Bubali Mi Chalila y 9.or Ajax contra Arends Construction.

Tur e weganan aki ta tuma lugar riba cancha di futbol di sala na Centro di Bario Savaneta.

## Arubiano Hugo Themen Campeon di Hulanda pa mas di siete aña



ORANJESTAD (AAN) — Informe cu DIARIO ta dispone di dje for di Hulanda ta bisa cu e Arubiano di 30 aña Hugo Themen tin mas di 7 aña campeón di hisa peso di Hulanda y a yega di representa Hulanda na varios

pais unda cu el a gana vario premio pa Aruba.

Hugo Themen tabata hisa peso aki na Aruba, y tabata miembro di e club di Noord.

Na añanan 1976, 77, 78 Hugo tabata campeón di Aruba y e ultimo aña cam-

peon di Antiyas.

Na aña 1978 Hugo a forma parti di e delegacion Antiyano cu a bay weganan Centro Americano na

Medellin Colombia.

Hugo a inicia su carera deportivo den añanan 74 den flyweight, despues a

pasa pa bantam, pluma y awor e ta den division lihe na Hulanda.

Hugo Themen su deseo grandi ta pa bay weganan Olimpico na Corea, pero tal deseo ta hopi difícil pa ser cumpli cune, debi cu ta

un competencia fuerte y di nivel masha hopi halto, pero Hugo ta un atleta cu ta logra tur su deseo y pakico e no por logra esaki.

DIARIO ta felicita Hugo Themen cu su prolongacion di titulo y cu e keda hopi aña mas cu e titulo y sigui lucha te ora e jega weganan Olimpico.

## ELMAR

### PARTICIPACION

Compania di electricidad "ELMAR" ta recorda tur su consumidornan di corriente cu ultimo dia pa paga recibonan pa consumo di electricidad durante luna di JANUARI 1988 lo ta DIALUNA 14 MAART 1988.

Despues di e fecha aki, lastimamente corriente lo worde corta di esunnan cu no a paga.

Den caso cu corta corriente, ELMAR no por garantiza cu lo pone corriente bek ariba e mesun dia cu e cuenta atrasa worde paga.

N.B.: Esnan cu ta paga via di banco, tene cuenta cu esaki ta jega algun dia despues den nos poder.

"Por favor, trece e parti di e recibí nobo cu bo a hanja na cas of un recibo bieuw, ya bo ta yuda nos du- na bo un mihor servicio".

### TA HUUR

\*\*\*\*\*

Espacio pa Oficina/Showroom

1) Schelpstraat 58 160m2 Af. 2500,00

2) Emanstraat 4 125m2 Af. 1000,00

Cada espacio tin su propio toilet y airco unit.

ESPACIO PA WAREHOUSE

1) Italiestraat 13 300m2 Af. 1250,00

E espacio aki tin su propio toilet.

Pa mas informacion yama libremente na:

**PROPIEDADES  
HABIBE N.V.**

Schelpstraat 58-A  
Tel: 25523 of 32789.

### INTERESANTES CURSOS

\*\*\*\*\*

#### 1. DECLAMACION Y ORATORIA.

(Poesia, literatura, interpretacion y publico). MARTES.

#### 2. TEATRO.

(expresion corporal, del rostro, folklor latino, historia del teatro y tecnicas de actuacion en general). VIERNES.

#### INSCRIPCIONES ABIERTAS.

Para completa informacion llame al telefono 27892 de 3 a 9 p.m., desde hoy hasta el 14 de Marzo.

#### INICIACION DE LOS CURSOS.

Marzo 15 y 18 respectivamente.

Estos cursos son en Espanol.

Mayores de 18 anos.

Lugar: Casa de Cultura.

Dias: Martes y Viernes.

Fecha: 15 y 18 de marzo.

Hora: 7 a 10 p.m.

Le garantizamos seriedad y profesionalismo.

SEAN BEINVENIDOS !!